

MOTUNA: Bato oyo babengamaki “ya ndako ya Sezare” oyo Mokonzi Paulo alobaki na Bafilipi 4:22, bazalaki banani?

Eyano: Tótala Maloba ya Nzambe...

Bafilipi 4:21-22 (Mokanda na Bomoi):

« Bómbóla mbote epai ya basantu nyonso kati na Klisto Yesu. Bandeko oyo bazali elongo na ngai bazali kobómbóla bino mbote. Basantu nyonso bazali kobómbóla bino mbote, mingi-mingi oyo bazali kati na ndako ya Sezare. »

“Sezare” oyo elobami awa, azalaki mokonzi ya Roma mokonzi ya bokonzi monene koleka na tango yango. Nsango oyo elobi “bato ya ndako ya Sezare” ezali koloba te ete bazalaki bana to libota na ye moko ya mosuni, kasi bazalaki bato ebele oyo bazalaki kosala kati na ndako monene mpe na bokonzi ya mokonzi.

Na tango wana, ndako ya Sezare ezalaki na bato mingi ya lolenge nyonso bayangeli, bakangami oyo babimaki, bawumbu, basoda, babateli mibeko, bato ya misala ya bokonzi mpe basali ya ndako. Kati na bango, ezalaki na bato oyo bandimaki Nkolo Yesu Klisto mpe bazwaki lobiko. Paulo atángi bakombo na bango te, kasi abakisaki mbote na bango kati na mokanda epai ya Bafilipi, mpo na kolakisa ete bazali bandeko na Klisto na bomoi ya kondima.

MOTUNA: Bato oyo babengamaki “ya ndako ya Sezare” oyo Mokonzi Paulo alobaki na Bafilipi 4:22, bazalaki banani?

Likambo oyo emonisi solo moko ya makasi: Nsango Malamu ya Yesu Klisto ekotaki kino na ndako ya bakonzi ya mokili, na baplace ya bokonzi mpe ya lokumu.

Kasi yango ezalaki likambo moko te ya esika moko kaka.

Tóluka mpe na Evangile ya Luka, oyo elobeli Joana, mwasi moko ya lokumu, oyo azalaki mwasi ya Kuza, mobateli ya biloko ya mokonzi Erode. Joana azalaki molandi ya Yesu mpe azalaki kosunga mosala na Ye na biloko na ye moko.

Luka 8:2-3 (Mokanda na Bomoi):

« Basi mosusu mpe bazalaki elongo na Ye, oyo babikisamaki na milimo mabe mpe na maladi: Maria oyo babengaka ya Magdala, oyo milimo mabe sambo ebimaki kati na ye, mpe Joana, mwasi ya Kuza oyo azalaki mobateli biloko ya Erode, mpe Suzana, mpe basi mosusu ebele oyo bazalaki kosalela bango na biloko na bango. »

Ndakisa ya Joana, lokola mpe ya bandimeli oyo bazalaki kati na ndako ya Sezare, emonisi ete Nzambe azali kosala mosala na ye na bituka nyonso ya bomoi ezala epai ya bakonzi, bato ya lokumu, to bato ya bomoko.

MOTUNA: Bato oyo babengamaki “ya ndako ya Sezare” oyo Mokonzi Paulo alobaki na Bafilipi 4:22, bazalaki banani?

Nsango Malamu ezali na ndelo te.

Yango wana, biso bandimeli lelo, tosengeli te koyokela Nsango Malamu soni, to koloba ete bato mosusu bakokoka te to bapesamaka te. Ezala moto ya bozwi to mobola, moto ya mayele to ya moke, mokonzi to mosali ya se bato nyonso bazali na posa ya lobiko oyo ezali na Yesu Klisto.

Lokola Paulo alobaki:

Baroma 1:16 (Mokanda na Bomoi):

« Pamba te nayokaka soni te mpo na Nsango Malamu, pamba te ezali nguya ya Nzambe mpo na lobiko ya moto nyonso oyo azali kondima, liboso mpo na Moyuda, bongo mpo na Mogreki. »

Tíká tósakola Klisto na mpiko, tondimi ete Nzambe akoki kobikisa bato na bisika nyonso — ata na bandako ya bakonzi.

Maránatha! Nkolo na biso azali koya.

☐☐ Kota na lopango ya WhatsApp mpo ozwa makambo mosusu ya

MOTUNA: Bato oyo babengamaki “ya ndako ya Sezare” oyo Mokonzi
Paulo alobaki na Bafilipi 4:22, bazalaki banani?

ndenge wana:

<https://whatsapp.com/channel/0029Vb6lab8V0tfRqKKY11y>

Share on:
WhatsApp